

նութեան և մատենագրութեան¹⁾ լուսաւորութիւնն մտնում է և Աղուանից երկիրն Ս. Մեսրոպի ձեռով, որ միեւնոյն ժամանակ լինում է քարոզիչ առաքեալ և երկրորդ Լուսաւորիչ, ինչպէս տեսանք կանխաւ: Բայց հազար ավսոս, որ Աղուանից մատենագրութիւնն այրւում է 2. դարում Խաղրաց ձեռով (Մով. Կաղ. եր. 10 և 91):

Աղուանից եկեղեցին Դ. դարից սկսեալ մինչեւ ժ.ժ. դարի առաջին քառորդն ունեցած է իւր առանձին կաթողիկոսութիւնը, եպիսկոպոսութիւնը և հոգեւոր իշխանութիւնը:

Սակայն Հայոց և Աղուանից միացեալ եկեղեցու սերտ կապը անքակտելի պահպանելու հեռատեսութեամբ, ընտրեալ կաթողիկոսացուներն օծումը միշտ ընդունած են Հայոց ընդհանուր հայրապետներից, բացի մի քանի ճրռ և ինքնակոչ կաթողիկոսներից, որպէս ապացուցանում են պատմութիւններն: Դեռ 2. դարում Աղուանից կաթողիկոսներին ուղղեալ նամակների երեսներին գրում էին. «Աղուանից, Լփանց և Չողայ Կաթողիկոսին» (Մով. Կաղ. եր. 275):

Բայց հարկ է յայտնել որ ոչ մի երկիր և ոչ մի ժողովուրդ ենթարկուած չէ այնքան կրօնական և հաւատաւորխութեան հալածանաց, որքան Աղուանից ժողովուրդն: Հետզհետէ յաջորդում են միմեանց Պարսից կրակապաշտական և Արարացուոց մահմէտական զարձնելու բռնաբարութիւններն, նահատակութիւններն, մարտիրոսութիւններն և անբացատրելի հալածանք-

¹⁾ Միջին Դարասանից մինչեւ Ճառն ամենուրեք խուզարկեցինք եկեղեցիների, գրչագրերի, հանգստարանների և բերդերի արձանագրութիւնները և յիշատակարանները, որպէս զի գէթ գտնէինք Աղուանից գրերի հազար: Միայն գտանք մի քանի տառեր, որք փորագրուած են Դարբանդի հիւսիսային պարսպի արտաքին կողմում — Պ Անդրէաս Չաքարեանի պարտիզում: Տառերս սերտ մերձաւորութիւն ունին Մեսրոպեան գլխաղիւր տառերին:

ՄԵՉԱՆԱԽՄԷ